

Durante Warm-up Party di Los Laga Bai a rindi homenahe na Robert Jeand'or y su Banda Show

DIAHUEBS anochi Los Laga Bai tabatin su tremendo Warm-up Party pa tur su participante-nan. E fiesta aki a cuminsa pa 9'or di anochi na Parke Arawa. Pa 10'or di anochi Robert & Su Solo Banda Show a cuminsa toca pa pone e participantenan riba pista y cuminsa stretch e pianan y warm nan up pa loke a bai t'e Lighting Parade di diasabra anochi.

E organisadornan di Los Laga Bai a tuma e oportunidad e anochi ey pa informa tur participante tocante algun detaye prome cu e paradanan y recorda tur hende pa yega na ora.

E high-light di e anochi a bin na momento cu a duna homenahe na Robert Jeand'or y su Solo Banda Show pa nan di 15 aña

di participacion cu Los Laga Bai den Aruba su Carnaval.

Robert a duna un speech chikito y a gradici e lidernan di Los Laga Bai p'e cooperacion estrecho cu tabatin durante e 15 añanan aki. N'e participantenan Robert a priminti mes cos tur aña di pone un tremendo espectáculo musical riba caya pa nan goza. Y nos mester bisa cu Robert y su Banda Show a cumpli caba durante Lighting Parade.

E anochi a sigui cu Robert tocando dos set mas pa tur e participantenan caminda el a duna nan un muestra chikito di loke el a priminti. Pa mas informacion bishita www.loslagabai.com pasobra esei tambe nos tin. Los Laga Bai, corona caba como e grupo di ambiente.

